



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalias illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

B. Gertrudis de Volmundstein reclusa in Comitatu Marcano

urn:nbn:de:hbz:466:1-28481

muni illa religionis Catholicæ perturbatione, sacrilegis Hæreticorum invalescentium manibus nobis erepta ac dissipata sint. Quòd si aliqua hîc addenda cuiquam ad manus veniant, dignabitur id nobis aperire, ut in posterum adhuc typo dari, & foliis secuturis possint inseri.

B. GERTRUDIS De Volmundstein Virgo

Reclusa in Westphalia.

Refertur cum titulo Beata à Chrys. Henriq. in Menolog. Cisterc. ad diem 15 Februarii. Theod. Rhay in Anim. Illustr. ad eandem diem. Gelen. de Colonia Agrippin. magnitudine l. 2. Syntagm. 14 pag. 163 in margine. Lahierio in Menelog. Virginum citato apud Bolland. in actis Ss. ad diem 15 Febr. inter prætermisissos. Agit de eadem Cesar. Heisterbac. l. 5. hist. memorab. c. 47. ex quo etiam hæc pauca de ejus vita desumpta sunt. Stemma Volmundsteinium olim suam sedem habuit in Comitatu Marcano haud procul à confluentibus Rura & Volmi. Annis tamen posterioribus extinctum, unà cum, hereditate sua & armis gentilitiis abiit in familiam Perillustrium Dominorum de Reck, qui adhuc hodie iisdem omnino insigni-
bus

bus utuntur, quibus olim *Volmundsteinii*, uti testatur *Gelen. loc. supra cit. pag. 162.* Ex eadem familia fuere *BB. Gerovicus & Godeschalcus de Volmundstein*, de quibus paulò post.

Quid adeò in orbe sanctum est, cui non continuò manum immittere studeat nequissimus fraudum artifex & architectus demon? Gertrudis Virgo ex perillustri prosapia veterum Dynastarum de *Volmundstein* in Comitatu *Marcano* genita, amore *JESU* pauperis fortunas mundi omnes & amplissima familiæ decora generoso pede conculcaverat: utq; ab hominum turbis semota uni Deo tranquillius vacare posset, haud procul ab arce gentilitia exiguæ cuidam cellulæ, pro more istius ævi, includi voluit, ubi mundo mortua se totam rebus cœlestibus in silentio & solitudine consecraret. Tenuerat hoc vitæ genus per plures annos omnino sanctè, tantâq; interim cœlestium illustrationû gratia à Deo perfusa erat, ut jam inciperet etiam de rebus illis multa cognoscere, quæ cæteroquin à notitia & intellectu hominum semota esse solent. Opportunum hoc videbatur demoni velamen esse, sub cuius umbra inobservatas huic Virgini fraudes ac dolos strueret. Itaque cùm videret hominum accolarum aures

res sive vaticinii captandi gratiâ sive sanctitatis contemplandæ studio ad ejus cellulâ confertim attrahi, coepit & ipse cœlestis ad instar genii in eandem frequentius commigrare multoq; splendore circumfusus Virgini male credulæ de rebus eventuris multa obtrudere. Jámq; eo consuetudinis inter ambos ventum erat, ut si quis de statu amici defuncti aut arcanis aliis edoceri cuperet, ipsa inducias tantum postularet in crastinum, consultoq; interim deceptore Angelo mane altero ad postulata responsum daret. Non modicam latentis doli suspicionem movebat ea res Hermannus de Arnsberg viro admodum pio ac religioso; ideoq; Gertrudem silentio conveniens: *Cave, inquit, ô cave tibi, soror mea! sæpe enim Angelus Sathanae transfigurat sese in Angelum lucis, teste Apostolo; hominesq; etiam sanctissimos, nî cauti fuerint, in fraudes agit. Si me audis; ad fenestram, per quam se ingerit iste genius, de cera benedicta crucem apprime: si tunc intraverit, Angelus Domini est; sin minus, Angelus tenebrarum est.* Paret consilio pia foemina. Nocte proxima adest iterum, sed extra clathros nequam spiritus; immissoq; in claustrum consueto jubare ad ingressum invitatus à Gertrude, negat id prius sibi promptum esse,

esse, quàm ceram crucémq; retrahat à fenestra. Tum illa se deceptam serò videns, primum altos è corde suo dolores ducere; mox etiam, quidquid sputorum poterat, in impostorem ejicere, & per invocationem sanctissimæ TRINITATIS adjurare, suo ut se conspectui subducat illico, nec pedem referat, quem in domunculam Deo sacram fallaciter intulisset. Vixit exinde in summâ pietate, demissione, & virtutum splendore maximo, tandemq; beato obitu ad superos evolavit, die 15ta Februarii. Floruit circa annum 1200 vel paulò antè.

B. GERWICUS vel GUERRICUS

Ex nobili Westphalo primum Eremita, postea Religiosus Cisterciensis & Fundator Monasterii Waldsassenfis in Palatinatu Bavarix.

Refertur cum titulo Beati à Bohuslao Balbino in Bohemia sancta part. 1. §. 25. Gelenio de Colonia Agrippin. magnitud. l. 2. Syntagm. 14 pag. 163. Bucelino in Menolog. Benedictin. ad diem 5 Octobris. Chrysost. Henriquez in Menolog. Cisterc. ad eandem diem. Agunt de eodem Gaspar